

XX.

Hactenus tamen si bona fide consumpti sunt: Nam si dolo malo desinunt possideri, ad exhibendum actio datur: (a) Si extabunt, vindicari poterunt. (b)

(a) l. ad exhibendum s. C. ad exhibendum. Quia qui dolo desinit possidere, pro possidente damnatur, cum pro possessione dolus sit. l. qui dolo. 131. l. parem. 150. de R. J. Motz. de mutuo, tit. de reb. quae mutuo dar. poß. n. 22. (b) d. l. 11. §. fin. b. t. n. Add. Cujac. lib. 13. obs. 28. & tract. 8. ad. Africani. mibi fol. 420. Nummis enim alienis datis dominus manet is, cuius nummi fuerunt. Nam quod nostrum est, sine facto nostro non potest transferri. l. 11. ff. de R. J. Vindicatio autem domino datur. l. actionum. 25. ff. de Oblig. & Act. §. 1. l. de act. Sin verò incertum, an adhuc extant nummi, an verò consumpti sint? Condictio sine causa, vel ob causam dati, & Condictio ex mutuo cumulatio & concursus in uno libello admittendus foret, & Actor hoc modo libellaret: Condico nummos ex capite sine causa, & ob causam dati, si extant. Vel ex mutuo, si consumpti sunt. Nam & alternativus libellus sustinetur, si incertitudo ex facto alieno nascatur, prout eleganter tradit Gail. 1. obs. 62. n. 4. & obs. 63. n. 1. & 3. & Myns. cent. 2. obs. 42. & cent. 4. obs. 11. Textus ad hoc optimus in l. 1. §. quia autem ff. quod legatorum.

XXI.

Consistit porrò mutui datio in his rebus, qua pondere, numero & mensurā constant. (a) ita quidem, ne, quod ad numerū datum est, ad mensuram solvatur, b) nisi in casu necessitatis, quo pecunia à debitore præstari nequit. (c)

(a) Quoniam, ut ait Paulus in l. 2. §. 1. b. t. eorum datione itur in creditum, quia in genere suo functionem recipiunt per solutionem magis, quam specie. In cæteris rebus idem in creditum ire non possumus, quia aliud pro alio invito Creditoris solvi non potest. Add. Wef. d. pr. 1. quib. mod. recon-